

MALAYSIA
DEWAN RAKYAT
ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI ISNIN, 11 NOVEMBER 2013, PUKUL 10.00 PAGI

Bil. 36

PERTANYAAN-PERTANYAAN BAGI JAWAB LISAN

1. PR-1313-L57870
Dato' Othman bin Aziz [Jerlun] minta **MENTERI SUMBER ASLI DAN ALAM SEKITAR** menyatakan perancangan jangka panjang bagi mengatasi masalah hakisan pantai akibat dari kepupusan tumbuhan bakau dan pokok penahan hakisan di sepanjang pantai. Apakah Kementerian akan meningkatkan program tanaman bakau di sepanjang pantai yang terlibat.
2. PR-1313-L57228
Dato' Mansor bin Othman [Nibong Tebal] minta **MENTERI SUMBER MANUSIA** menyatakan sama ada Kementerian ada mewujudkan pengkalan data yang lengkap mengenai graduan yang menganggur di seluruh negara mengikut jantina, umur, etnisiti dan bidang pengajian mereka.
3. PR-1313-L58942
Datuk Noor Ehsanuddin bin Mohd Harun Narrashid [Kota Tinggi] minta **MENTERI BELIA DAN SUKAN** menyatakan apakah status Parlimen Belia dan apakah kesudahannya.
4. PR-1313-L58647
Dr. Ko Chung Sen [Kampar] minta **MENTERI KEWANGAN** menyatakan :-
 - (a) jumlah wang yang dihantar keluar negara setiap tahun oleh pekerja-pekerja asing di Malaysia, secara sah dan juga ke negara yang mana; dan
 - (b) apakah kesan ke atas ekonomi kita daripada kehilangan modal ke negara-negara lain serta langkah-langkah yang diambil untuk mengurangkan kehilangan modal sebegini.

5. PR-1313-L57564
Datuk Hajah Norah binti Abd Rahman [Tanjong Manis] minta **PERDANA MENTERI** menyatakan sama ada Kerajaan dapat menyediakan dana untuk pembinaan sebuah surau atau masjid baru dan dana pembelian tanah di Kampung Bidadari, Maradong, Tanjong Manis memandangkan penduduk Kampung Bidadari dan penduduk daripada beberapa buah kampung yang berdekatan amat memerlukan dan memandangkan keadaan surau sekarang terlalu sempit dan terletak di persimpangan yang agak merbahaya.
6. PR-1313-L58963
Tuan Nik Mohamad Abduh bin Nik Abdul Aziz [Pasir Mas] minta **PERDANA MENTERI** menyatakan sama ada pihak Kerajaan telah membuat satu kajian khas pematuhan solat di kalangan anak muda.
7. PR-1313-L58909
Tuan Anuar bin Abd. Manap [Sekijang] minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan tindakan yang telah diambil terhadap barangan rampasan terutama barangan bersubsidi yang dirampas atas kesalahan penyeludupan ke negara jiran seperti diesel dan gula.
8. PR-1313-L57304
Dr. Azman bin Ismail [Kuala Kedah] minta **MENTERI TENAGA, TEKNOLOGI HIJAU DAN AIR** menyatakan setakat mana kejayaan negara dalam mewujudkan sumber tenaga hijau khususnya tenaga suria.
9. PR-1313-L57984
Puan Rubiah binti Haji Wang [Kota Samarahan] minta **MENTERI PENDIDIKAN** menyatakan adakah Kementerian bercadang untuk membina Kolej Komuniti bagi kawasan Parlimen Kota Samarahan.
10. PR-1313-L58771
Tuan Julian Tan Kok Ping [Stampin] minta **MENTERI BELIA DAN SUKAN** menyatakan terdapat kes di mana kehilangan beberapa buah kapal terbang berlaku semasa wujudnya "*Malaysia Flying Club*" yang berpangkalan di pangkalan Sungai Besi. Apakah terjadi kepada kes-kes tersebut.
11. PR-1313-L57662
Dato' Haji Irmohizam bin Haji Ibrahim [Kuala Selangor] minta **MENTERI PENDIDIKAN** menyatakan tentang agenda Pelan Pembangunan Pendidikan yang akan melalui tiga gelombang utama sehingga 2025, apakah pelan berkenaan telah mengambil kira perkembangan pendidikan di negara-negara maju yang menekankan dualisme pendidikan di mana teori hanya 30% dan 70% selebihnya adalah praktikal. Ini penting bagi memastikan pelajar lepasan IPTA tempatan mampu bersaing dengan pelajar yang mendapat pendidikan di luar negara.

12. PR-1313-L57747
Tuan Nga Kor Ming [Taiping] minta **MENTERI KESIHATAN** menyatakan apakah pelan tindakan dan rancangan menyeluruh Kementerian untuk menangani masalah lebih 6.2 juta rakyat mempunyai kolestrol tinggi dan 15 peratus atau 5 juta rakyat Malaysia mengidap penyakit kencing manis (diabetes).
13. PR-1313-L57455
Datuk Chua Tee Yong [Labis] minta **MENTERI KEWANGAN** menyatakan apakah tindakan akan diambil oleh kerajaan selain dari BR1M untuk membantu rakyat bukan bumiputera yang miskin dan berpendapatan rendah.
14. PR-1313-L57915
Tuan Gooi Hsiao-Leung [Alor Setar] minta **MENTERI LUAR NEGERI** menyatakan menjelaskan kenapa Malaysia hanya diterima sebagai “*facilitator*” dan bukan “*mediator*” dalam perbincangan damai diantara pihak kerajaan Thailand dengan Barisan Revolusi Nasional (BRN) dalam konflik Selatan Thailand.
15. PR-1313-L58695
Datuk Haji Shabudin bin Yahaya [Tasek Gelugor] minta **MENTERI KEWANGAN** menyatakan apakah usaha yang dibuat oleh kerajaan untuk memastikan agar syarikat-syarikat GLC mengambil inisiatif untuk menyelamatkan tanah dan aset khususnya bumiputera daripada tergadai atau dilelong kepada pihak bukan bumiputera atau pembeli-pembeli daripada luar negara.
16. PR-1313-L57479
Dr. Michael Jeyakumar Devaraj [Sungai Siput] minta **MENTERI SUMBER MANUSIA** menyatakan sama ada Kerajaan sedang mengkaji balik dan menyempurnakan kontrak-kontrak untuk pembersihan, keselamatan dan sebagainya yang ditandatangani sebelum polisi gaji minima diumumkan untuk membolehkan kontraktor mematuhi polisi gaji minima untuk pekerjaanya.
17. PR-1313-L58158
Dato' Seri Reezal Merican bin Naina Merican [Kepala Batas] minta **MENTERI KESIHATAN** menyatakan peratusan terkini senario kewujudan ubat palsu/tiruan (*fake medicines*) di Malaysia. Apakah jenis ubat yang paling banyak berhadapan dengan risiko “tiruan” di Malaysia.
18. PR-1313-L58564
Dato' Kamarudin bin Jaffar [Tumpat] minta **MENTERI LUAR NEGERI** menyatakan berapa jumlah pegawai Kementerian dan berapa jumlah pegawai yang khusus menjaga isu Palestin.
19. PR-1313-L57755
Tuan Haji Hasbi bin Haji Habibollah [Limbang] minta **MENTERI KEMAJUAN LUAR BANDAR DAN WILAYAH** menyatakan apakah kaedah Kementerian menggunakan untuk memastikan segala inisiatif Kerajaan semasa Majlis Pemerkasaan Ekonomi Bumiputera oleh YAB. Perdana Menteri dapat dinikmati di pelosok dan ceruk negara seperti Limbang.

20. PR-1313-L58517
Tuan Chong Chieng Jen [Bandar Kuching] minta **PERDANA MENTERI** menyatakan kenapa sejak tahun 2008 hanya 50% daripada kuota biasiswa Kerajaan yang diperuntukkan untuk pelajar-pelajar Sabah dan Sarawak ditawarkan kepada pelajar-pelajar Sabah dan Sarawak. Apakah langkah akan diambil oleh Kerajaan untuk memperbetulkan ketidakadilan tersebut.
21. PR-1313-L57795
Dato' Ar. Wan Mohammad Khair-il Anuar bin Wan Ahmad [Kuala Kangsar] minta **MENTERI PENDIDIKAN** menyatakan apa rasionalnya Kementerian melantik syarikat daripada barat McKinsey & Co. sebagai perunding sistem pembelajaran Malaysia, dibayar "fee" yang tinggi dikhuatiri mutu khidmatnya adalah wang semata sedangkan negara punya ramai bekas Pengarah Pelajaran, profesional yang berkaitan yang pastinya jika berkhidmat adalah untuk bangsa dan negara.
22. PR-1313-L58449
Tuan Mohd Rafizi bin Ramli [Pandan] minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan berapa ramai pengguna yang telah memfailkan tuntutan terhadap Syarikat Bekalan Air Selangor (SYABAS) di Tribunal Tuntutan Pengguna Malaysia setakat ini akibat kegagalan SYABAS memastikan bekalan air yang baik di Selangor dan keputusan yang dibuat oleh Tribunal. Apakah langkah-langkah Kementerian untuk melindungi hak pengguna yang terkesan akibat perkhidmatan SYABAS yang tidak memuaskan.
23. PR-1313-L57158
Datuk Linda Tsen Thau Lin [Batu Sapi] minta **MENTERI PELANCONGAN DAN KEBUDAYAAN** menyatakan apakah langkah-langkah yang diambil oleh Kementerian untuk memajukan industri pelancongan yang berasaskan alam semula jadi dan kebudayaan di Sabah.
24. PR-1313-L58011
Tuan Lim Guan Eng [Bagan] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan peruntukan pembangunan yang diberikan setiap tahun sejak 2000 kepada penduduk kampung baru, kampung nelayan dan kampung tersusun, jumlah penduduknya serta berikan pecahan mengikut negeri dan kampung.
25. PR-1313-L59046
Dato' Abdul Manan bin Ismail [Paya Besar] minta **MENTERI DALAM NEGERI** menyatakan kesediaan Kerajaan menambah pengambilan anggota polis wanita sehingga 30% berikutan ketika ini hanya 10.4% atau 11,523 anggota wanita pelbagai pangkat berkhidmat di seluruh Negara.
26. PR-1313-L58749
Tuan Loke Siew Fook [Seremban] minta **MENTERI PELANCONGAN DAN KEBUDAYAAN** menyatakan strategi dan perancangan strategik Kementerian untuk membangunkan sektor "*cruise tourism*" di Malaysia.

27. PR-1313-L58136
Datuk Raime bin Unggi [Tenom] minta **MENTERI PERDAGANGAN ANTARABANGSA DAN INDUSTRI** menyatakan pencapaian dan kepakaran yang diperoleh dengan syarikat automatif di Jepun terutama pulangan strategik kepada PROTON menerusi program kerjasama di bawah *Malaysia-Japan Automotive Cooperation*.
28. PR-1313-L57387
Tuan R. Sivarasa [Subang] minta **MENTERI PERDAGANGAN ANTARABANGSA DAN INDUSTRI** menyatakan status dan pendirian negara kita, serta isu-isu teras dalam rundingan ke-18 Perjanjian Perkongsian Trans-Pasifik (TPP) yang diadakan di Kota Kinabalu, Sabah pada Julai lalu.
29. PR-1313-L58802
Dato' Henry Sum Agong [Lawas] minta **MENTERI DALAM NEGERI** menyatakan apakah kaedah yang akan diambil untuk menyerap ahli-ahli RELA ke dalam jabatan yang diumumkan baru-baru ini dan berapa ramai anggota yang terlibat dan kos pengoperasian jabatan tersebut.
30. PR-1313-L58314
Tuan Wong Sze Phin @ Jimmy [Kota Kinabalu] **PERDANA MENTERI** menyatakan apakah status tentang siasatan mengenai dakwaan kes rasuah berjuta juta ringgit yang melibatkan Ketua Menteri Sabah Datuk Seri Panglima Musa Bin Haji Aman.
31. PR-1313-L58681
Tuan Ignatius Dorell Leiking [Penampang] minta **PERDANA MENTERI** menyatakan :-
- (a) manfaat-manfaat yang dinikmati rakyat di negeri-negeri pengeluaran minyak, seperti Sabah, terhadap hasil pendapatan pengeksportan minyak mentah dari negeri itu; dan
 - (b) secara terperinci, langkah-langkah yang diambil oleh Kerajaan untuk membangunkan pusat penapis minyak di negeri-negeri pengeluaran minyak agar rakyat mengambil tempat pembangunan teknologi dan ekonomi.
32. PR-1313-L57919
Datuk Wira Haji Ahmad bin Hamzah [Jasin] minta **PERDANA MENTERI** menyatakan langkah mengubah budaya organisasi dan perniagaan termasuk mewujudkan Menteri yang bertanggungjawab dalam tadbir urus dan integriti dalam usaha memerangi gejala rasuah yang jelas boleh merosakkan meritokrasi dan melenyapkan kepercayaan rakyat terhadap institusi dan kuasa sesebuah negara.

33. PR-1313-L57129
Dato' Takiyuddin bin Hassan [Kota Bharu] minta **MENTERI PERDAGANGAN ANTARABANGSA DAN INDUSTRI** menyatakan dalam merangka pendirian Malaysia mengenai TPPA, adakah Kerajaan Persekutuan turut mengadakan perundingan dengan Kerajaan-kerajaan Negeri terutamanya dalam perkara-perkara yang melibatkan bidang kuasa negeri umpamanya hal tanah dan sumber alam.
34. PR-1313-L58553
Tuan Wan Hasan bin Mohd Ramli [Dungun] minta **PERDANA MENTERI** menyatakan jumlah kes yang dimenangi oleh peneroka Felda dalam saman terhadap Felda dan apakah asas-asas saman berkenaan.
35. PR-1313-L58653
Dr. Ko Chung Sen [Kampar] minta **MENTERI PENDIDIKAN** menyatakan :-
- (a) mengapa *ranking* universiti-universiti kita begitu jauh ke belakang berbanding universiti-universiti Singapura dan mungkinkah penggunaan bahasa Inggeris sebagai bahasa pengantar utama di sekolah-sekolah dan universiti-universiti memberikan Singapura kelebihan daripada kita; dan
 - (b) sama ada wujud keperluan untuk memperkenalkan semula PPSMI atau Bahasa Inggeris sebagai bahasa pengantar dalam sekolah-sekolah dan universiti-universiti kita.
36. PR-1313-L58852
Tuan V. Sivakumar [Batu Gajah] minta **MENTERI PEMBANGUNAN WANITA, KELUARGA DAN MASYARAKAT** menyatakan jumlah OKU dan ibu tunggal yang menerima bantuan Jabatan Kebajikan Masyarakat pada tahun 2011, 2012 dan 2013 mengikut kaum di Semenanjung Malaysia.
37. PR-1313-L58826
Puan Hajah Zuraida binti Kamaruddin [Ampang] minta **MENTERI KEMAJUAN LUAR BANDAR DAN WILAYAH** menyatakan apakah langkah untuk menggalakkan anak muda berkhidmat dan bekerja di kawasan luar bandar, sedangkan anak muda sekarang masih memilih untuk bekerja di kawasan bandar sedangkan persaingan peluang di kawasan bandar adalah amat sengit.
38. PR-1313-L57885
Tuan Charles Anthony Santiago [Klang] minta **MENTERI SUMBER MANUSIA** menyatakan firma mana yang telah dilantik untuk membuat kaji selidik serta menggubal rancangan "*social security*" untuk pemandu teksis. Berapakah nilai kontrak ini dan bilakah ia tamat.

39. PR-1313-L58013
Tuan Lim Guan Eng [Bagan] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan mengapakah janji membina 70 buah rumah kos rendah di Rumah Hijau, Mak Mandin, Butterworth masih tidak dijalankan walaupun Kerajaan Negeri telahpun tawarkan tanah. Berapakah cadangan rumah kos rendah dan sederhana rendah untuk Pulau Pinang.
40. PR-1313-L58545
Tuan Mohamed Azmin bin Ali [Gombak] minta **PERDANA MENTERI** menyatakan adakah Kerajaan bersedia untuk meminda Seksyen 77 Akta Kebankrapan 1967 bagi memastikan pelaburan wang lebih daripada dana Akaun Penggulangan Syarikat dan Kebankrapan yang dibuat oleh Kerajaan lebih telus dan bertanggungjawab.
41. PR-1313-L57252
Laksamana Pertama Mohamad Imran bin Abd Hamid (B) [Lumut] minta **MENTERI PERTAHANAN** menyatakan bagaimana Kerajaan boleh memartabatkan pegawai undang-undang dalam Angkatan Tentera Malaysia yang telah mengamalkan undang-undang lebih tiga tahun yang mana seharusnya mereka boleh dikecualikan daripada “latihan dalam kamar” dan boleh di “*call to bar*” manakala Majlis Peguam pula perlu mengiktiraf Akta Angkatan Tentera Malaysia 1972 (Akta 1972) dan Mahkamah Rayuan pula harus diwujudkan dalam ATM sebagaimana dikehendaki oleh undang-undang.
42. PR-1313-L58633
Tuan Manivanan a/l Gowindasamy [Kapar] minta **MENTERI PEMBANGUNAN WANITA, KELUARGA DAN MASYARAKAT** menyatakan :-
- (a) jumlah kes penderaan kanak-kanak mengikut jenis penderaan atau keganasan, latar belakang keluarga dan pendapatan, jantina, kaum, jumlah kes yang dibawa ke mahkamah dan sebagainya, setiap tahun mulai 2000-2013 (sehingga kini); dan
 - (b) usaha Kementerian bagi menggubal dasar-dasar yang berkenaan sebagai salah satu langkah untuk menangani isu penderaan di kalangan kanak-kanak dan melindungi kepentingan mereka.
43. PR-1313-L58050
Puan Teresa Kok Suh Sim [Seputeh] minta **MENTERI DALAM NEGERI** menyatakan bilangan polis yang telah didakwa ke mahkamah dan diambil tindakan tatatertib dalam tahun 2011, 2012 dan 2013. Apakah rancangan Kementerian untuk meningkatkan kualiti dan kuantiti anggota polis yang memerangi jenayah dalam tahun-tahun yang akan datang.

44. PR-1313-L58987
Dr. Mohd. Khairuddin bin Aman Razali [Kuala Nerus] minta **MENTERI PENDIDIKAN** menyatakan perancangan Kerajaan untuk menempatkan semula para pelajar Mesir yang tergendala ekoran daripada krisis yang melanda negara tersebut.
45. PR-1313-L58444
Datuk Mohd Idris bin Jusi [Batu Pahat] minta **MENTERI TENAGA, TEKNOLOGI HIJAU DAN AIR** menyatakan menyatakan berapa ramai daripada penduduk Negeri Johor dan khususnya Batu Pahat yang belum mendapat bekalan air paip ke rumah masing-masing.
46. PR-1313-L57960
Dato' Haji Abdul Rahman bin Haji Mohamad [Lipis] minta **MENTERI PENDIDIKAN** menyatakan bilakah pembinaan Universiti Teknologi MARA (UiTM) di Lipis, Pahang akan dilaksanakan kerana pihak Kerajaan Negeri telah memperuntukkan 1020 ekar tanah setelah pihak UiTM bersetuju untuk projek ini.
47. PR-1313-L58825
Datuk Koh Nai Kwong [Alor Gajah] minta **MENTERI BELIA DAN SUKAN** menyatakan apakah punca kepada kemerosotan disiplin, akhlak serta moral di kalangan remaja-remaja pada masa kini dan apakah tindakan akan diambil untuk membendung gejala ini.
48. PR-1313-L57178
Tuan Abdullah Sani bin Abdul Hamid [Kuala Langat] minta **MENTERI SUMBER MANUSIA** menyatakan adakah pelaksanaan gaji minima telah dapat dilaksanakan dengan sepenuhnya dan apakah tindakan Kementerian terhadap majikan yang masih tidak melaksanakannya.
49. PR-1313-L58384
Dato' Dr. Nik Mazian bin Nik Mohamad [Pasir Puteh] minta **PERDANA MENTERI** menyatakan adakah minuman keras masih lagi dihidangkan dalam majlis-majlis rasmi Kerajaan dan apakah usaha Kerajaan untuk tidak menggalakkan minuman keras di kalangan pegawai Kerajaan.
50. PR-1313-L57883
Dato' Kamarul Baharin bin Abbas [Telok Kemang] minta **MENTERI KEWANGAN** menyatakan :-
- (a) mengapa bank-bank yang berlandaskan syariah di Malaysia enggan menguatkuasakan pemberian rebat kepada peminjam yang telah membuat penyelesaian awal pinjaman di bank-bank tersebut; dan
 - (b) kenapa bank-bank di Arab Saudi tidak menggunakan sistem perbankan Islam yang sama dengan model perbankan Islam di Malaysia.

51. PR-1313-L57821
Datuk Nur Jazlan bin Mohamed [Pulau] minta **MENTERI KERJA RAYA** menyatakan status terkini mengenai Jambatan Kedua Pulau Pinang termasuk berapakah LAD yang dikenakan kepada Kerajaan (sekiranya ada) dan apakah tindakan yang diambil terhadap kontraktor yang terbabit dalam pakej jambatan berkenaan yang runtuh baru-baru ini.
52. PR-1313-L58652
Dr. Ko Chung Sen [Kampar] minta **MENTERI KEWANGAN** menyatakan jumlah wang yang telah dicetak dan dimasukkan ke dalam edaran (*Quantitative Easing*) oleh Bank Negara dalam tempoh 5 tahun lepas semasa krisis kewangan dan sama ada jumlah ini telah menyumbang kepada kelemahan ringgit baru-baru ini.
53. PR-1313-L58796
Dr. Mohd Hatta bin Md. Ramli [Kuala Krai] minta **MENTERI PENDIDIKAN** menyatakan langkah konkrit yang diambil bagi meletakkan IPTA Malaysia pada kedudukan yang lebih baik dalam senarai universiti unggul di dunia.
54. PR-1313-L58214
Raja Dato' Kamarul Bahrin Shah [Kuala Terengganu] minta **MENTERI PELANCONGAN DAN KEBUDAYAAN** menyatakan apakah usaha dan kuasa Kementerian untuk memelihara daya-daya tarikan "*Icon*" negara bagi memastikan "*Asset*" pelancongan negara dipelihara dan di selamatkan.

ATURAN URUSAN MESYUARAT DAN USUL-USUL

1. (D.R. 21/2013) **Rang Undang-undang Perbekalan 2014 – Menyambung semula Perbahasan atas masalah, “Bahawa Rang Undang-undang ini dibacakan kali yang kedua sekarang”
(7 November, 2013)**

DAN

Usul dibuat oleh YAB Menteri Kewangan dan masalah dicadangkan :-

“Bahawa Dewan ini, mengikut subseksyen 4(3) Akta Kumpulan Wang Pembangunan 1966 [Akta 406], membuat ketetapan iaitu suatu jumlah wang sebanyak tidak lebih dari empat puluh enam bilion empat ratus sembilan puluh sembilan juta sembilan ratus sembilan puluh sembilan ribu ringgit (RM46,499,999,000) dibelanjakan daripada Kumpulan Wang Pembangunan bagi tahun 2014, dan bagi tujuan dan butiran perbelanjaan pembangunan yang dinyatakan di bawah Maksud Pembangunan atau (“P”) dalam senarai Anggaran Perbelanjaan Persekutuan 2014, yang dibentangkan sebagai Kertas Perintah 42 Tahun 2013, adalah diuntukkan di bawah Maksud-maksud yang berkenaan jumlah-jumlah yang bersestentangan dengan butiran-butiran itu di ruangan enam dan tujuh senarai tersebut.”

Menyambung semula Perbahasan atas masalah (7 November, 2013)

- | | | | |
|----|----------------|---|-------------------------------|
| 2. | (D.R. 22/2013) | Rang Undang-undang Kewangan (No. 2) 2013 | Bacaan Kali Yang Kedua |
| | | [Menteri Kewangan] | |
| 3. | (D.R. 13/2013) | Rang Undang-undang Bahan-bahan Kakisan dan Letupan dan Senjata Berbahaya (Pindaan) 2013 | “ |
| | | [Menteri Dalam Negeri] | |
| 4. | (D.R. 16/2013) | Rang Undang-undang Rumah Perjudian Terbuka (Pindaan) 2013 | “ |
| | | [Menteri Kewangan] | |
| 5. | (D.R. 17/2013) | Rang Undang-undang Loteri (Pindaan) 2013 | “ |
| | | [Menteri Kewangan] | |

- | | | | |
|-----|----------------|--|---|
| 6. | (D.R. 18/2013) | Rang Undang-undang Pertaruhan Pool
(Pindaan) 2013 | “ |
| | | [Menteri Kewangan] | |
| 7. | (D.R. 15/2013) | Rang Undang-undang Lambang dan Nama
(Mencegah Penggunaan Tak Wajar)
(Pindaan) 2013 | “ |
| | | [Menteri di Jabatan Perdana Menteri] | |
| 8. | (D.R. 10/2013) | Rang Undang-undang Kanun Tatacara
Jenayah (Pindaan) 2013 | “ |
| | | [Menteri di Jabatan Perdana Menteri] | |
| 9. | (D.R. 12/2013) | Rang Undang-undang Keterangan
(Pindaan) 2013 | “ |
| | | [Menteri di Jabatan Perdana Menteri] | |
| 10. | (D.R. 19/2013) | Rang Undang-undang Fi (Jabatan Muzium
Malaysia) (Pengesahan) 2013 | “ |
| | | [Menteri Pelancongan dan Kebudayaan] | |
| 11. | (D.R. 20/2013) | Rang Undang-Undang Dadah Berbahaya
(Pindaan) 2013 | “ |
| | | [Menteri Kesihatan] | |

12. PR-1313-U58205
Datuk Madius Tangau [Tuan] akan mencadangkan:-

"Menyedari hakikat bahawa hak-hak istimewa Bumiputera di negara ini adalah terpelihara kerana perlindungan itu termaktub dalam Perkara 153 Perlembagaan Persekutuan. Menerima juga hakikat bahawa kewujudan Perkara 153 Perlembagaan Persekutuan yang digubal untuk melindungi hak-hak istimewa Orang-orang Melayu di Semenanjung Malaysia dan suku-suku kaum natif ataupun Orang Asal di Sabah dan Sarawak sepertimana yang terkandung dalam Native Interpretation Ordinance Sabah. Dan menerima juga hakikat bahawa suku-suku kaum Orang Asli di Semenanjung tidak termasuk dalam senarai di bawah Perkara 153 tersebut. Menyedari juga hakikat bahawa suku-suku kaum Orang Asli di Semenanjung Malaysia merasa tersisih dalam banyak dasar dan program yang dikhaskan untuk membela hak-hak Bumiputera. Menerima juga hakikat bahawa suku-suku kaum Orang Asli adalah ketinggalan jauh di belakang dalam kesemua aspek pembangunan sedangkan mereka ini adalah suku kaum peribumi yang sebenar.

Di atas kesedaran tersebut maka saya dengan ini membuat Usul di Dewan yang mulia ini meminta pihak Kerajaan supaya membuat pindaan terhadap Perkara 153 Perlembagaan Persekutuan dengan tujuan untuk memasukkan suku-suku kaum Orang Asli Semenanjung dalam senarai suku-suku kaum yang dilindungi oleh peruntukan Perlembagaan tersebut."

(Perdana Menteri)

13. PR-1313-U59118

Tuan Zairil Khir Johari [Bukit Bendera] akan mencadangkan:-

"Bahawa pada masa ini, 34 peratus sekolah rendah di Malaysia mempunyai kurang daripada 150 murid dan secara rasminya telah diklasifikasikan sebagai Sekolah Kurang Murid (SKM). Mereka menyumbang 7 peratus daripada enrolmen sekolah rendah. Bahawa secara purata, SKM menghasilkan pencapaian akademik yang agak lemah berbanding sekolah kebangsaan yang lain. Skor purata komposit bagi sekolah ini ialah 68 peratus, 4 peratus mata di belakang sekolah kebangsaan lain. Kelemahan dalam prestasi ini boleh dikaitkan dengan tiga cabaran struktur. Bahawa pertama, 7 peratus sekolah kurang murid terpaksa melalui perjalanan yang jauh untuk hadir ke sekolah dan mengurangkan kemungkinan untuk menempatkan guru dan guru besar berprestasi tinggi berkhidmat di sekolah berkenaan. Bahawa kedua, sekolah ini kurang mendapat manfaat daripada segi kokurikulum, kemudahan yang lebih baik dan interaksi dengan rakan sebaya daripada pelbagai latar belakang. Bahawa ketiga, kebanyakan sekolah ini berada dalam kawasan status sosio ekonomi rendah dan menghadapi masalah yang berkaitan dengan status sosio ekonomi itu. Keluarga berpendapatan rendah biasanya akan berdepan dengan cabaran untuk mengekalkan anak mereka di sekolah kerana terpaksa menanggung kos berkaitan bekalan, pakaian seragam, dan pengangkutan, yang membawa kepada pertambahan kadar tidak hadir ke sekolah. Bahawa perbelanjaan penyelenggaraan adalah 7 kali lebih tinggi untuk setiap murid di SKM berbanding dengan murid di sekolah harian biasa (Ekshibit 4-8). Kos yang tinggi ini ditambah pula dengan nisbah guru murid yang rendah pada kadar 1:6 berbanding purata kebangsaan, iaitu 1:13 sehingga menyebabkan kos operasi untuk SKM menjadi lebih tinggi. Bahawa Dewan ini menggesa Kerajaan mengambil langkah-langkah perlu untuk mengatasi masalah tersebut di atas."

(Kementerian Pendidikan)

14. PR-1313-U57786

Tuan M. Kulasegaran [Ipoh Barat] akan mencadangkan:-

"Bahawa Dewan Parlimen hendaklah mengambil maklum dan mengarahkan Menteri Sumber Manusia untuk membatalkan semua kelulusan untuk syarikat-syarikat yang menundakan pelaksanaan gaji minima."

(Kementerian Sumber Manusia)

15. PR-1313-U58419

Tuan Fong Kui Lun [Bukit Bintang] akan mencadangkan:-

"Bahawa Suruhanjaya Pilihan raya Malaysia dalam proses untuk melaksanakan persempadanan semula kawasan Pilihan raya hendaklah memastikan wujud keseimbangan pemilih antara kawasan Pilihan raya dan mengelak perbuatan menggerimander (gerrymandering) yang merugikan para pemilih."

(Perdana Menteri)

16. PR-1313-U58420

Tuan Fong Kui Lun [Bukit Bintang] akan mencadangkan:-

"Bahawa Kerajaan hendaklah menyalurkan peruntukan tahunan bagi Ahli Parlimen secara adil, baik untuk wakil rakyat BN mahu pun wakil rakyat pembangkang sebagaimana cadangan Kerajaan Negeri Pulau Pinang untuk menyalurkan peruntukan yang sama diterima oleh wakil-wakil rakyat pembangkang kepada wakil-wakil rakyat BN mulai tahun 2014."

(Perdana Menteri)

17. PR-1313-U58688

Tuan Manivanan a/l Gowindasamy [Kapar] akan mencadangkan:-

"Bahawa Dewan menggesa Kementerian Dalam Negeri mempertimbangkan cadangan untuk kes kematian di bawah tahanan Polis Diraja Malaysia, keluarga si mati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan".

(Kementerian Dalam Negeri)

18. PR-1313-U58691

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia".

(Kementerian Pendidikan)

19. PR-1313-U59119

Dr. Tan Seng Giaw [Kepong] akan mencadangkan:-

“Bahawa Dewan ini membincangkan isu alternatif untuk mengatasi sisa pepejal di Malaysia termasuk insinerator moden.”

(Menteri Kesejahteraan Bandar, Perumahan dan Kerajaan Tempatan)

20. PR-1313-U59120

Dr. Tan Seng Giaw [Kepong] akan mencadangkan:-

“Bahawa Dewan ini mendebatkan dasar dan langkah untuk menangani kemalangan jalan raya di negara ini.”

(Menteri Pengangkutan)